



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA E APELIT PRISHTINË

Numri i lëndës: 2023:029445
Datë: 12.01.2024
Numri i dokumentit: 05182948

PA1.nr.1482/23

NË EMËR TË POPULLIT

GJYKATA E APELIT E KOSOVËS - Departamenti i Pergjithshem, në kolegjin e përbërë nga gjyqtarët Mehmet Ndrecaj, kryetar i kolegjit, Abdullah Ahmeti dhe Ferit Osmani, anëtarë, me praktikantin gjyqesor Arben Arifi, si procesmbajtës në lëndën penale ndaj të akuzuarit M.I., nga Peja, për shkak të veprës penale Asgjësimi apo dëmtimi i pasurisë nga neni 321 par.1 lidhur me nenin 77 të KPRK-së, për të vendosur sipas ankesës të akuzuarit, të ushtruar kundër aktgjykimit të Gjykatës Themelore në Pejë – Dega ne Deçan, P.nr.24/2023 të datës 30.10.2023, në seancën e kolegjit të mbajtur më datë 04 Janar 2024 mori këtë:

A K T G J Y K I M

Refuzohet si e pabazuar ankesa e të akuzuarit M.I., ndersa aktgjykimi i Gjykatës Themelore në Pejë – Dega ne Deçan, P.nr.24/2023 të datës 30.10.2023, **VËRTETOHET**.

A r s y e t i m

Me aktgjykimin e Gjykatës Themelore në Pejë – Dega ne Deçan, P.nr.24/2023 të datës 30.10.2023, i akuzuari M.I., është shpallur fajtor për shkak të veprës penale Asgjësimi apo dëmtimi i pasurisë nga neni 321 par.1 lidhur me nenin 77 të KPRK-së, për të cilën është shqiptuar dënimi me gjobë në shumë prej 300 (treqind) euro e të cilën gjobe është i obliguar që ta paguajë në afat prej 30 ditëve pas plotfuqishmërisë së këtij aktgjykimi, në të kundërtën dënimi i shqiptuar me gjobe do t'i zëvendësohet në dënim me burgim ku për çdo 20 euro të gjobës do t'i llogaritet 1 (një) ditë burgim.

I akuzuari është obliguar që të paguaje shpenzimet e procedurës penale që dalin sipas llogaritës perfundimtare të gjykatës, në emër të paushallit gjyqësor shumën prej 30 (tridhjetë) euro dhe në emër të fondit për kompensimin e viktimave të krimit shumën prej 30 (tridhjetë) euro e të gjitha këto në afat prej 15 ditësh pas plotfuqishmerisë së aktgjykimit.

Kundër këtij aktgjykimi në afatin ligjor ankese ka ushtruar :

I akuzuari M.I., për shkak të vendimit mbi sanksionin penal, duke propozuar që aktgjykimi i ankimuar të gjykatës së shkallës së parë të ndryshohet, dhe të akuzuarit për veprën penale për të cilën është shpallur fajtor të i shqiptohet dënimi dukshëm më i ulët ose t'i shqiptohet vërejtje gjyqësore, e me të cilin dënimi do të arrihej qëllimi i dënimit të parapare me nenin 38 të KPRK-së.

Prokurori i Apelit të Kosovës, duke u shkjaruar përkitazi me ankesën e të akuzuarit M.I., me shkresën e vet PPA.II.nr. 1516/2023 të datës 29.11.2023 ka propozuar që Gjykata e Apelit të Kosovës, ankesën e të akuzuarit ta refuzojë si të pabazuar, ndërsa aktgjykimi i ankimuar të Gjykatës së shkallës së parë të vertetohet.

Gjykata e Apelit mbajti seancën e kolegjit në pajtim me nenin 390 paragrafi 1 të KPRK-së, për të cilën nuk i ftoi palët ngase në rastin konkret kemi të bëjmë me dënim me gjobë dhe pretendimet ankimore janë vetëm lidhur me sanksionin penal andaj prezenca e paleve nuk është e obliguar.

Kolegji penal i Gjykatës së Apelit të Kosovës, konform nenit 394 par.1 të KPRK-së i shqyrtoi shkresat e lëndës, vlerësoi aktgjykimin e ankimuar, pretendimet ankimore të të akuzuarit, dhe gjeti se:

- Ankesa nuk është e bazuar.

Edhe pse aktgjykimi i gjykatës së shkallës së parë nuk ankimohet për shkak të shkeljeve esenciale të dispozitave të procedurës penale, megjithatë Gjykata e Apelit të Kosovës të njëjtin e shqyrtoi në këtë aspekt sipas detyrës zyrtare konform nenit 394 të KPRK-së dhe konstatoi se nuk përmban shkelje esenciale të dispozitave të procedurës penale, e as shkelje të ligjit penal e të cilat kishin me kushtëzuar anulimin e tij.

As gjendja faktike nuk ka qenë objekt shqyrtimi ngase i akuzuari gjatë shqyrtimit fillestar të datës 25.10.2023 në bazë të nenit 242 të KPRK-së ka pranuar fajësinë për veprën penale për të cilën është akuzuar, i cili pranim është bërë në mënyrë vullnetare nga i akuzuari. Pranimi i fajësisë ka mbështetje në faktet që përmban aktakuza dhe provat që gjenden në shkresat e lëndës. Nga një gjendje e tillë e vërtetuar faktike del që në rastin konkret drejtë është aplikuar edhe ligji penal.

Sa i përket vendimit mbi sanksionin penal, i akuzuari M.I., me ankesë pretendon se Gjykata e shkallës së parë me rastin e shqyrtimit të dënimit me gjobë, nuk i ka vlerësuar drejtë dhe në mënyrë të duhur rrethanat lehtësuese si faktin se i akuzuari në fazat e hershme të procedurës e ka pranuar fajësinë për veprën penale të kryer, ka shprehur keqardhje, ka premtuar se në të ardhmen nuk do të kryejë vepra penale, se me parë nuk ka rënë në kundërshtim me ligjin, e sikur këto rrethana të ishin vlerësuar në mënyrë të duhur është dashur që të akuzuarit të i shqiptohet një dënim dukshëm më i ulët se sa denimi i shqiptuar nga ana e Gjykatës së shkallës së parë apo vërejtje gjyqësore e me të cilin dënim do të arrihej

qellimi i denimit i parapare me nenin 38 te KPRK-se, andaj ka propozuar qe ankesa e te akuzuarit te aprovohet si e bazuar.

Gjykata e Apelit e Kosoves, vlerësoi pretendimet ankimore lidhur me sanksionin penal te te akuzuarit per shqiptimin e denimit me te ulet apo vërejtje gjyqësore dhe pas vleresimit te njejtës, dhe duke i patur parasysh rrethanat e cekura më lartë dhe rrethanat e rastit konkret, Gjykata e Apelit konstaton se Gjykata e shkalles se pare drejte dhe ne menyre te plote i ka vlerësuar rrethanat lehtësuese dhe renduese nga neni 69 dhe 70 te KPRK-se te cilat ndikojnë ne llojin dhe lartësinë e dënimit, andaj konstaton se denimi i shqiptuar me gjobë ndaj të akuzuarit nga ana e gjykates se shkallës së parë eshte në harmoni me shkallën e përgjegjësisë penale të akuzuarit dhe rrezikshmërinë shoqërore të veprës penale të kryer, andaj e refuzoi si te pabazuar ankesen e te akuzuarit, duke e vërtetuar aktgjykimin e Gjykates se shkalles se pare, e me bindje se me denimin e shqiptuar nga ana e Gjykates se shkalles se pare, do të arrihet qëllimi i dënimit i paraparë me nenin 38 të KPRK-së, respektivisht parandalimi i kryerësve nga kryerja e veprave penale në të ardhmen, të bëhet rehabilitimi i tij, parandalimi i personave tjerë nga kryerja e veprave penale dhe ngritja e moralit për respektimin e ligjit.

Nga arsyet e cekura më lartë, e në bazë të nenit 401 të KPRK-së u vendos si në dispozitiv të këtij aktgjykimi.

GJYKATA E APELIT E KOSOVËS
PA1.nr.1482/23 më 04.01.2024

Procesmbajtësi
Arben Arifi

Anëtarët e kolegjit
Abdullah Ahmeti

Kryetar i kolegjit
Mehmet Ndrecaj

Ferit Osmani
